

Etxeko laguntza: geroz eta pertsona gehiagok eskatzen duen zerbitzua

■ Batez ere edadeko pertsonen ematen zaien zerbitzua da: ohetik jeikitzen lagundu, garbitasuna egin, jantzi, erosketak egin, zenbait gestio eta abar ■ Gaur egunean Hernanin 89 pertsonen jasotzen dute laguntza hori.

ETXEZ etxeko laguntza zerbitzuak 22 urteko historia du Hernanin eta geroz eta jende gehiagok eskatzen duen laguntza da. Gaur egunean 89 pertsonen jasotzen dute zerbitzu hau eta 35 langile ari dira lanean. Etxeko laguntza da, azken batean, eguneroko etxeko martxa eramateko arazoak dituenari laguntzeko sistema. Hamarretik bederatzitan edadeko pertsonen ematen zaie, baina, baita gazteei ere, familiako gorabeherak edo bestelako ezintasunen bat medio. Zerbitzua jasotzen duen jendeak gogotik estimatzen du laguntza. Oinarriko lanak egiteaz gain, askori segurtatea, babesa eta bizi poza ere ematen die.

Etxeko laguntza orduka ematen da. Gehienek etxeko lanak eta garbitasuna eskatzen dituzte, eta egunero 2 orduko zerbitzua izaten da hori. Aurten, denera, 32.000 ordu emango dira, iaz baino 10.000 gehiago. Andoni Amonarraiz buru duela, Ongintzako zuzendaritzak onartu berria du zerbitzu zabaltze hori lehenbailehen martxan jartzea. Zerbitzua haundituta, laguntza zai zeuden behar haundieneko kasuak kubrituta daudela diote Ongintzan. Hala ere, ikusten dute beste 18 pertsona daudela laguntza hori eskatuta daudenak.

Familia inplikatu

Etxe etxeko zerbitzuak oinarriko lanak egiten ditu, beharrik ikusita: ohetik jaiki eta ohean sartzen lagundu, pertsonaren eta etxeko garbitasuna, erosketak, jana jarri, arropa lanak, medikuak agindutako tratamendua zaindu eta abar. Baina, ez da beti erreza



Etxeko laguntzak estimazio handi du.

ETXEKO LANAK ETA KONPAINIA

Gehienek etxeko lanak egitea eskatzen dute eta aldi berean etxean bizi den edadetuari konpainia ere egiten zaio. Hori asko eskertzen dute

izaten zehaztea zer den langile horien lana. Batzuetan, ez dagozkien lanak ere egiten dituzte, baina, etxez etxeko zerbitzuaren helburuetako bat familia inplikatzeko eta zaintzen duten pertsona familiararen laguntza ere izatea bada. Eta horrekin batera,

zerbitzuak laguntzen du pertsona hori ahal den arte bere ingurunean mantentzen.

Etxeko laguntza goizeko 08:00etatik iluntzeko 20:00ak arte ematen da, berez. Hala ere, gehienek 09:00etatik eguerdiko 13:00etara hartzen dute. Asteburuetan ere ematen da behar izan ezker, baina, normalean ez da kasurik izaten. Aste Santuan, adibidez pertsona batek jaso du etxeko laguntza.

Moldatzeko baliabideak

Etxeko laguntza behar duten pertsonen batzuetan etxe barruan hobeto moldatzeko

ZERBITZUAREN HELBURUA

Pertsona helduei eta orokorrean, etxean laguntza behar duten pertsonen laguntza osoa ematea da. Laguntza eskatzeko arazoia eguneroko bizimoduaren moldatu ezina da.

ZERBITZUAREN MAIZTASUNA

Behararen arabera erabakitzen da zenbatero eman laguntza: egunero ordu bat, astean 4-6 ordu. Kasu berezi bat dago eta pertsona batek egunero 3 orduko laguntza jasotzen du.

FINANTZIAZIOA

Diputazioak, Udalak eta norberak. Orduko 42 zentimotik 14,80 euro arte ordaintzen du norberak, diru sarreraren arabera. Zerbitzu osoak 533.518 euroko aurrekontua du eta aurten 32.000 ordu emango dira.

gauzak behar izaten dituzte: grua, takataka, komon bereziak, ohe bereziak eta abar. Baliabide horiek denak zerbitzu horren bidez debalde lortzeko aukera izaten da, eta bestetan Ongintzak laguntzak ematen ditu etxean jartzeko.

Baserrietara

Etxeko laguntza baserrietara ere iristen da eta hiru etxetan ematen da. Ongintzak orain ikerketa berezi bat egingo du baserri munduko behar sozialak aztertzeko.

Etxeko laguntza eskatzeko Ongintzan hartu behar da ordua. 943-55 78 54. □

Mendi irteera Itsasuko Artzamendi tontorrera

MENDIRIZ Mendik irteera antolatuta datorren iganderako. Lapurdiko Itsasu herritik atera eta Artzamendi (926 metro) dute igoztekoa, Bidarraira jaisteko. Roland-ko pasabidetik eta Arpeako Saindutik pasako dira ibilaldian, Bidarraira iritsi aurretik. Izen ematea ostegunean egin behar da Mendiriz Mendi elkartearen, arratsaldeko 20:00etatik 21:00etara.

Bestalde gaztetxoentzako mendi irteera apirilaren 25ean da Beasaingo Usurbe mendira (707 metro) eta izen ematea apirilaren 22a baino lehen egin behar da, Mendiriz Mendi bertan, astelehen, ostegun eta ostiraletan, 20:00etatik 21:00etara. □

Igor eta Erasek irabazi dute Garin tabernako futbol txapelketa

FUTBOLIN txapelketa jokatu dute Garin tabernan eta Igor eta Erasek irabazi dute, finalean Jexux eta Bixintxori 10-8 irabazita. Hurrengo gelditu direnak: Xixa-Joanes, Insumiso-Txato, Asier-Dabid, Txusta-Imaz, Zesar-Iturri, Kalamar-Ekaintz, Bittor-Joxe eta Petto-Alazne. Sailkapeneko azken postuan H-Pol beterranoak gelditu dira. □

'Herri Arteko Elkartasun mus txapelketa' ostegunean

DATORREN ostegunean jokatu da Garin tabernan Herri Arteko elkartasun mus txapelketako lehen fasea, arratsaldeko 21:00etatik aurrera. Finala jokatzen duten bi bikoteak eskualdeko finalera pasako dira eta finala datorren larunbatean da Usurbilen, Aitzaga tabernan. Hernanin txapelkun gelditzen den bikoteak afari bat irabaziko du eta eskualdeko lehenengo 4rentzat daude sariak Usurbilgo finalean. Izen ematea 20 euro bikoteko. □

Allianz 
ASEGURUA
Agustin Ezponda
AGENTZIA
Telf.: 943 557 326
656 735 109


PROKOLOR ZENTRUA
MARGOAK
Landaribar, s.l.
► Industria eta dekoraziorako pinturak
► Lurrak jartzen ditugu
► Pintatutako paperak
Kardaberaz 45 - Telf.: 943 55 21 31 - Hernani

Ttilin & TOLON
BELAR DENDA
- DIETISTA
- NATURISTA
- MEDIKUA
TERAPIA NATURALAK
KONTSULTAK
Ttilin Ttolon Belardenda
Txirrita 10 - Telf.: 943 55 56 94

Hernaniko kronikako laguntzaile:
ORAUÑE PROMOZIOAK


GARAYAR AUTOBUSAK

Autobus zerbitzua
Linea erregularrak
Zerbitzu diskrezionalak
(ESKOLARRAK)
Hernani-Aiete-Donostia-Aiete-Hernani
Andoain-Urnieta-Hernani-Donostia-Hernani-Urnieta-Andoain
Jauregi bailara 17 - Telf.: 943 556 658 / 943 556 662
Faxa: 943 331 208 e-maila: mgarayar@facilnet.es
20120 Hernani (Gipuzkoa)



Antonio Apezetxea, Patxi Apezetxea eta Jualian Pagola errenkadan, mahai gaineko ardiak mozten.

Ardi mozten, udako beroak hasi aurretik

UDABERRIA izaten da ardiak mozteko garaia, udarako berorako pronto egon daitezen. Hernani inguruan, leku gehientsuenean bezalaxe, bakan-tzen ari dira artaldeak, baina, bada oraindik ofizioari eusten dionik eta Antonio Apezetxea, Patxi Apezetxea eta Julian Pagola dira horren adibide.


Ardi mozten aritzen diren hiru lagun hauek garai bateko

eran aritzen dira ardi mozten, goraizeekin. Praktika eskatzen duen lana da ardi moztearena, baina, kolpe asko huts egin gabe aritzen da hirukotea: goraizeak harraitzean ondo zorroztu, ardiari lau hankak lotu eta mahai gainean jarrita ilea moztu.

Urrietako Perurenaren artegian aurkitu ditugu eta beren hitzetan hemendik eta ekain

aldera arte Hernani inguruko leku bat baino gehiagotan ariko dira. Iaz 1.000 ardi inguru moztu zituzten eta aurretiki

Garai batean estimatua zen artilea, baina, kontu horiek bukatu ziren artzaiak berak Kronikari esan dionez. Gaur egun gutxi ordaintzen da “eta askotan eramaten dutenean gustora” esan digu. □



Garai batean bezala aritzen dira ardi mozten, goraizeekin. Iaz 1000 ardi inguru moztu zituzten.

HITZ BITAN



Iazko Udalekuak, San Fermin egunean.

✓ UDALEKUAK HERNANIN

Izen ematea zabalik apirilaren 30a arte. Udaleko Euskara Zerbitzuak Udalekuak antolatu ditu 3-10 eta 11-12 urte bitarteko umeentzat. 3-10 urte artekoentzako Udalekua hila-beteko da eta 11-12 urte artekoentzako 15 egunekoa. Helduenen Udalekuetan kirol aktibitateak izango dira. Izen ematea apirilaren 30a baino lehen egin behar da eta 77,25 euro kostako da matrikula. Hernaniko ikastetxeetan dabilzan gazteek bertan eman behar dute izena eta Hernanitik kanporako ikastetxeetan ikasten dutenek Udaleko Euskara Zerbitzuan. Informazio gehiago 943 337029 telefonoan.

✓ KIROLDEGIA ETA LIBURUTEGIA

Gaurtik aurrera ordutegi normala. Aste Santuko oporretan itxita egon da liburutegia eta Kiroldegia goizetik ireki dute. Gaurtik aurrera ordutegi normalera bueltatuko dira eta baita gainerako Udal zerbitzuak ere.

✓ ASTIGARRAGA

Nikaraguari buruzko erakusketa. *Honek* Gobernu Kanpoko Erakundeak Nikaraguari buruzko erakusketa jarriko du gaur Astigarragako kultur etxean, datorren igandera arte. Ordua: aste barruan, 18:00etatik 20:30etara; larunbat eta igandean 11:30etatik 13:30etara. Ostegunean *La revolución Sandinista* bideoa botako dute, eta ostiralean *La canción de Carla* pelikula; biak 19:30etan. □

IRAGARKI MERKEAK

Hernani inguruko jatetxe batean barrarako zerbitzari bat behar dugu. Ibilgailua behar da. Deitu: 943 55 02 54 (astelehenetik-ostiralerara) edo 608 12 07 32

Itziar Royo Masajista. Masajea, naturopatia, akupuntura, ajuste neurológico eta bertebrala, reflexologia, auriculoterapia,... 943 33 28 94 - 626 80 76 33 (Sta Barbara 42)

ZERBITZUAK

☎ TELEFONOAK

- ☛ Taxiak: 943 550093
- ☛ Udaltzaingoa: 943 333288
- ☛ DYA: 943 464622
- ☛ Autobusak: 943 556662
- ☛ Anbulatorioa: 943 006666
- ☛ Jokalari anonimoak: 943 331103

☎ FARMAZIAK

- ☛ Egunez: Etxebeste Elkano 2 ☎ 943 552087
- ☛ Gaez: Urbistondo Lasarte. San Francisco 1B ☎ 943 366567

KRONIKIA - Doberako komiki tailerreko lanen tartea

